

acuminatis laxioribus inæqualibus, involucre et pedunculo parcè et farinosè nec glandulosè pubescentibus.

CREPIS MUNGIERII Boiss. et Heldr. (Sect. *Eucrepis*.)

Cr. perennis, radicis præmorsæ fibris tenuibus cylindricis collo glabro, caulibus pluribus subaphyllis glabriusculis internè bifurcis vel a basi pluries et dichotomè ramosis folia vix duplò superantibus, foliis teneris lætè virentibus sub lente parcè setulosis runcinato-pinnatipartitis sublyratis petiolatis segmentis lateralibus numerosis a superioribus oblongis angulatis retrorsis ad infima triangularia diminutis terminali tantùm duplò majori a basi truncato-subcordatâ breviter ovato obtuso integro, foliis caulinis squamiformibus, pedunculis longis parcè squamulosis supernè minutissimè et crispulè puberulis, calyculi squamis breviter lanceolatis acutis involucre triplò brevioribus, involucri minutè glanduloso-puberuli phyllis linearibus acutiusculis, ligulis intense luteis concoloribus involucre duplò longioribus, acheniis subincurvis sub 15 striatis utrinquè subattenuatis pappo niveo citò deciduo brevioribus.

*Crepis Reuteriana* var. *minor* pl. Cret. Heldr. 1847.

Hab. in quercetis montis *Idæ* suprâ *Vorisa* alt. 3000-4000'. (Heldr.) Folia 2-4 poll. longa segmento terminali 5-7 lin. longo cæteris minoribus, caules cum pedunculis 4-6 pollicares, capitula magnit. eorum *Cr. Sieberi* cui affinis est et a quâ caulibus pluribus a basi bifurcis sæpius 2 rariùs pleiocephalis internè glabris nec setulosis, foliorum lobo terminali aliis vix majori, radicis collo glabro, calyculi squamis acutioribus, etc., sat differre videtur. Hanc erroneè primùm retuleramus ad speciem sequentem diversissimam caule elato ramoso, foliorum segmentis acutis, involucri phyllis demùm dorso induratis.

CREPIS REUTERIANA Boiss. (Sect. *Eucrepis*.)

Cr. perennis, radicis præmorsæ fibris tenuibus cylindricis collo glabro, caulibus erectis internè glanduloso-hirtis cæterùm glabriusculis paulò suprâ basin dichotomè et strictè ramosis laxè corymboso-paniculatis, foliis ferè omnibus radicalibus plus minùs præsertim ad costas pubescenti-glandulosis petiolatis runcinato-pinnatipartitis lyratis segmentis retrorsis oblongis vel triangularibus acutissimis integris terminali basi truncato triangulari aliis 2-3 plò majori, folio caulino uno al-